



Adressatas ed adressats
tenor la glista da distribuziun

Cuir, ils 3 da fanadur 2024

Revisiun parziala da la Lescha da taglia per il chantun Grischun consultaziun

Stimadas dunnas e stimads signurs

Gugent As suttamettain nus ina revisiun parziala da la Lescha da taglia per il chantun Grischun (LT; DG 720.000) per prender posiziun. Ella serva a realisar l'incumbensa Hohl dals 3 da settember 2022 concernent distgargias fiscalas per famiglias e per personas spezialisadas.

Per sa posiziunar sco chantun attractiv per famiglias prevesa il project da consultaziun d'auzar las deducziuns per uffants. Sco distgargia fiscala effizienta per las personas cun activitad da gudogn duain las taglias sin las entradas vegnir reducidas cun auzar l'import liber da taglia tar la tariffa da la taglia sin las entradas. Da questas duas mesiras en la Lescha chantunala da taglia – da l'augment da las deducziuns per uffants e da l'aument da l'import liber da taglia – è pertutgadas las taglias chantunalas e communalas. En cumbinaziun cun la reduziun dal pe da taglia chantunal, ch'il Cussegl grond ha concludì per l'onn fiscal 2024 per las personas natiralas, duai l'augment da l'import liber da taglia tar la tariffa da la taglia sin las entradas mitigiar considerablamain la grevezza fiscala da las personas cun activitad da gudogn.

Il december 2023 ha il Cussegl grond acceptà l'incumbensa Schneider concernent l'adattaziun da la progressiun reala ed ha incumbensà la Regenza d'examinar ina futura cumpensaziun da la progressiun reala (chauda), quai en il rom da la realisaziun da l'incumbensa Hohl. L'augment da las pajas nominalas pervia da l'inflaziun, che chaschuna ina taxaziun pli auta pervia da las tariffas da taglia progressivas, l'uschenumnada progressiun freida, vegn cumpensada tar las taglias federalas, chantunalas e communalas. La cumpart che resulta da l'augment da la capacitad da cumpra, la progressiun reala (chauda), na vegn percunter cumpensada automaticamain sin nagin plaun statal. In'examinaziun da quest fenomen ha mussà cleramain, ch'i n'exista nagin motiv per introducir ina cumpensaziun legala da questa progressiun reala en il chantun Grischun ed en las vischnancas grischunas. L'effect da la progressiun reala è adina

puspè vegnì cumpensà, e temporarmain schizunt surcumpensà, sin plaun chantunal e communal cun agid da revisiuns da la Lescha da taglia e cun agid da reducziuns dal pe da taglia.

Ils documents da consultaziun chattais Vos sin la pagina d'internet dal chantun (www.gr.ch → Rumantsch → Publicaziuns → Consultaziuns → [Consultaziuns currentas](#)).

Nus As envidain d'inoltrar Vossa posiziun fin ils 4'october 2024 per e-mail (info@dfg.gr.ch) al Departament da finanzas e vischnancas

Per infurmaziuns stattan Angelo Roberto, manader da l'Administraziun chantunala da taglia, tel. +41 81 257 34 44, e-mail Angelo.Roberto@stv.gr.ch, u Urs Brasser, secretari da finanzas dal Departament da finanzas e vischnancas, tel. +41 81 257 32 12, e-mail Urs.Brasser@dfg.gr.ch, gugent a Vossa disposiziun.

Nus As engraziain per Voss interess e per Vossa cooperaziun.

Salids amicabels

Departament da finanzas
e vischnancas

Il schef



Martin Bühler
Cussegliev guvernativ

Adressatas ed adressats da la consultaziun:

- Vischnancas politicas dal chantun Grischun
- Partidas politicas en il chantun Grischun
- Baselgias chantunalas
- Chombra da commerzi ed Associaziun dals patruns dal Grischun
- Uniun grischuna d'artisanadi e mastergn hotelleriesuisse Grischun
- GastroGrischun
- Societad grischuna dals impressaris constructurs
- Associaziun grischuna da las proprietarias e dals proprietaris da chasas
- Uniun grischuna da las hotelieras e dals hoteliers
- Uniun catolica da dunnas
- Associaziun grischuna da las locatarias e dals locataris
- Uniun da las fiduziaris e dals fiduziaris, secziun Grischun
- SVIT Grischun
- SYNA, il sindicat
- EXPERTsuisse, secziun Grischun
- Sindicat svizzer dals servetschs publics
- Federaziun dals uffizis communal da taglia dal chantun Grischun
- Federaziun grischuna d'advocats
- Federaziun grischuna dals notars
- Cussegl grischun da las persunas attempadas
- Centrala grischuna da dunnas
- Uniun sindacala dal Grischun
- Sindicat UNIA, regiun Svizra Orientala-Grischun
- Sindicat SYNA Grischun/Regiun da Sargans
- Sindicat SSP Grischun/Glaruna
- Dretgira administrativa, Dretgira chantunala
- Departaments da l'administraziun chantunala sco er Chanzlia chantunala